



Bájkkeavijssa NuorttaSálto

Ienep julevsáme- giella girkkon?

Tæksta: Børge Strandskog
Járggálibme:
Divte Media AS/I dar Kintel

Dán vahko le Sáme girkkoráde tjáhkanam Hars-tadan. Tjáhkanime ájnnasamos ássje lij 9 ju-levsáme liturgijaj dáhkkidibme.

Sáme girkkoráden, mij jádeduvvá Anne Dalheimas, li duola dagu Divtasvuonak Ingar Nikolaisen Kuoljok ja biskoahppa Tor B. Jørgensen sebrulattja. Girko le ja le læhkám ájnas oasse moadda sámijda. Duodden liehket ásskosebrudahka le girko aj læhkám ájnas guodde kultuvralasj ja áskulasj árbbedábijis ma li tjoahkkim ulmutijit iellema moadda ásiin. Gitta jages 1859 le girko ávdás-vásstádusáv válldám julevsáme giellaguovlon, valla esski 1990-jagij mañegiehtjen julevsámegiellav ávdedahttájain bájkálasj girkkon Divtas-

vuonan. Edna gijto suohkanbáhpaj Magne Kolvikaj, guhti bádi suohkanij jagen 1995. Javlav ávddála sæmme jage adnegáidj Kolvik sámegiellav ásiin jub-meldievnastusás. Gájt akta lávlla láv-loduvvá sihke dárogiellaj ja sámegiellaj, akta rámtáværssa lágáduvvá goappátijda giellajda ja "Áhtte mijá" guovte giellaj lágáduvvá. Dán láhkáj le tjadáduvvam dáj jagij tjadá. Valla ij le tjadáduvvam rahtjama dagi. Ælla gal gájka dáhkkidam "Áhtte mijá, guhti le almen...". Ávdep áskulasj girkkovádtse ettjin boade jubmeldievnastusájda gánná Magne Kolvik lij hærrá, ja báhtin dássju

gå sadjásasj hærrá dievnastin.

- Le akta oasse gudi e ávvánis sidá gul-lat sámegiellav Divtasvuona girkkon, akta stuorra oasse gassko gen mielas le buorre gå báhppa goappátijit giellaj adná, ja akta oasse gen mielas le ilá binná sámegiella jubmeldievnastusáj. Valla buoredum le mañenagi. Vuossteháhko Divtasvuonan ij le nav stuorre gå vuostasj jagijn, subtsas Magne Kolvik.

Suohkanbáhppa vuojnna julevsáme liturgijaj dáhkkidimev ájnas mihttomierren girkkuj Divtasvuonan ja Nordlándan.

- Valla ij dan diehti ietjastis gullu ienep julevsámegiella girkkuj. Liturgija galggi lãhpallattjat dáhkkiduvvat Girkkotjáhkan-imen vuoratjismánon, ja dan mañjela ájggu biskoahppa njuolgasusáj dahkat gáktu dá máhtti aneduvvat, subtsas

Kolvik. Ádá julevsáme liturgija li hiebadahdedum dábalasj dárogiellak liturgijaj járggálime ma uddni aneduvvi, ja guosská allamæssuj, gástadussaj, konfirmasjávnnáj, hedjaj, hávddádibmáj, skalluj skihpasij lunna, suddo-dábdástibme ájnegis ulmutijida, skallojubmeldievnastussaj ja gáidj buorissjivnjedibmáj.

- Dát merkaj jus soabmása sihti hejav julevsámegiellaj, de dav oadtju. Muhtema sihti aj sierra jubmeldievnastusáj julevsámegiellaj Divtasvuonan, valla vuojnna dav jus dá tjadáduvvi, javllá suohkanbáhppa. Sáme girkkoráde njunnjusj, Anne Dalheim, tjállá præssadiedádusán gå liturgija julevsámegiellaj li almullattjat dáhkkidum Vuona girkkon, de bæssa julevsámegiellav girkkon ælláskahttet. Valla vásádusá Divtasvuonan mårádi: - Dát mujttát ságastallamav sámegiell-galbjaj birra mij le Råmsån ja Bådådjon læhkám. Gå sámevuohta vuojnusij bohtá, de badjáni oasse dárojuhttemis ja dábdó dan milta muhtemij lunna, oajvvat Dalheim.

Suohkanbáhppa Magne Kolvik le iesj julevsámegiellav oahppagoahám moadda jagij badjel. Sån daettot sån ij vilá buvte dav vierdev vaj máhtá dábalasj ságastallamav tjadádit julevsámegiellaj, valla dav vierdev vaj máhtá jubmeldievnastusáj ja ietjá girkkulasj dájmajt tjadádit. - Ájnnasamos oasse muv báhppadájmas le risttalasj ságav sárnnedit. Dát báhko ávdet duola dagu ietjá ulmutijit ja kultuvrajt vieledit. Ja juska iv lijkku bágov "sábadibme", de iv gávna ietjá ja buorep bágov. Dát le akta sivájs gå lev válljim árot Divtasvuonan. Dánna le vilá állo mij ij le állidum, miejnne 65 jahkásasj Magne Kolvik. Álldar merkaj sujna li dásju gallegasj jage vil ávddál pensjonissta sjaddá. Gávnnat ádá girkkohærráv suv mañjela julevsáme giella-máhtudagájn soajttá sjaddat gássjelis. - Diedon dát máhtá sjaddat hásstalusán, massta biskoahppa aj berus. Valla muhtem dájma li jáhtuj biejadum dilev buoredittjat. Árabut dán jage tjadádijma læhkámkursav hárijidallat læhkát ja lávllot dáv ádá liturgijav julevsámegiellaj gánná 19 oassálasstin, daj gaskan biskoahppa iesj, hæjttá Magne Kolvik.



Sokneprest Magne Kolvik sammen med en del konfirmanter 2010.

Arkivfoto: Paul Gælok